

Script Of Morning Gojri News Bulletin 22 April 2024 at 1015Hrs

ما رنینگ گو جری نیو ز بلیٹن مو رخہ 22 اپریل 2024

<><><><><><><><><>

یوہ آکا شوانی جموں بے انور چودھری تیں خبر سُنو۔

Campaign 2nd Phase

عام پا رلیمانی چناواں گا دوجا مرحلہ گا پر چار غووقت صرف 2 دن باقی رہ گیا۔ اس دوران سیا سی جماعتوں اور کانگریس پارٹیوں کی پارٹیاں واسطے ووٹ حاصل کرن غی ان تھک کو شش کر رہیا ہیں۔ اور ووٹراں نانہ اپنی طرف راغب کرن واسطے کئی طور طریقہ اپنا رہیا ہیں۔ جموں کشمیر مانہ اس دوجا مرحلہ غے دوران جموں ریا سی پا رلیمانی نشست واسطے آئندہ جمعہ نانہ ووٹ کھلایا جائیں گا۔ جس تہاڑے 26 اپریل بے۔ چناؤ پر چار مانہ اندرونی معاملن غا وزیر امت شاہ نے وی جموں پلوڑہ مانہ اک عوامی جلسہ نال خطاب کیو تھو۔ اپنی تقریر مانہ اُن نے کہیو کہ مَلک نانہ اک مضبوط حکومت غی لوڑ بے۔ کانگریس غی طرفوں راجستھان غا سابق نائب وزیر اعلیٰ سچن پائیٹ نے وی عوامی جلسہ نال جموں سچیت گڑھ مانہ خطاب کیو اور کانگریس غا حق مانہ ووٹ پان واسطے کہیو۔ جموں ریا سی پا رلیمانی حلقہ تون بھارتیہ جنتا پارٹی غا اُمید وار جُگل کُشور شرما تیسری دفعہ قسمت آزما رہیا ہیں جد کہ کانگریس غی طرفوں رمن بھلا چناؤ میدان مانہ ہیں۔ اس پا رلیمانی حلقہ مانہ 4 ضلع آویں جن مانہ اسمبلی حلقاں غی تعداد 18 ہیں۔ اس غی خاطر ووٹینگ 26 اپریل 2024 جمعہ نانہ وے گی۔

<><><><><><><><><>

Nomination

دو ہزار 24 غا عام پا رلیمانی چناواں غا تیجا مرحلہ واسطے اپنا ناں واپس لین غی اج آخری تاریخ بے۔ اس تیجا مرحلہ مانہ جموں کشمیر غی انت ناگ راجو ری پا رلیمانی سیٹ واسطے وی 7 مئی 2024 نانہ ووٹ کھلایا جائیں گا۔ اس پا رلیمانی حلقہ غا ریٹرننگ افسر فخر الدین حمید غے مطابق کاغذات نامزدگی غے دوران 4 اُمید واراں غا کاغذات درست نہیں پایا گیا جن مانہ مسترد کر دتو گیا بے۔ بون اس حلقہ تون چناؤ لڑن آلا بڑا اُمیدوار سابق وزیر اعلیٰ محبوبہ مفتی جھپڑی کہ پی ڈی پی

غی اُمید وار ہیں، سابق وزیر میاں الطاف احمد نیشنل کا نفرنس غا اُمید وار ہیں اور سابق قانون سازیہ کو نسل غا ممبر ظفر اقبال منہاس اپنی پارٹی غا اُمید وار غا طور اور چناؤ لڑھ رہا ہیں۔

<><><><><><><><>

Prez Padma Award

آج راشٹریتی بھون نویں دہلی مانہہ اک سرکاری تقریب غے دوران صدر جمہو ریہ دروپی مرمو غی طرفوں مستحق لوکاں نانہہ پدم اعزازت نال نوازیو جائے گو۔ صدر جمہو ریہ پدم وبھوشن اعزاز سابق نائب صدر جمہو ریہ ایم وینکیا نا ئیڈو اور بھارت غی نامور رقاصہ ڈاکٹر پدما سبھرمینیم، پدما وبھوشن اعزاز بندیشور پا ٹھک نانہہ بعد از موت دتو جائے گو۔ اداکا را متھن چکورتی اور گلوکارہ اوشا اُتھپ نانہہ پدم وبھوشن اعزازت نال نوازیو جائے گو۔ پدم وبھوشن اعزاز مُلک غو سب توں بڑو سیول ایوارڈ ہے۔ جن گو اعلان یوم جمہو ریہ غے دوران کیو جائے۔

<><><><><><><><>

Defence Minister

وزیر دفاع راج تاتھ سنگھ آج اپنا سیاچن غا دورہ ور پُچ گیا ہیں ۔ جت وے فوجی جواناں نال ملاقات کریں گا۔ وزارت دفاع غی طرفوں سماجی ذرائع ابلاغ ور دسیو گیو ہے کہ وزیر دفاع نے حال ہی مانہہ لہیہ فوجی اسٹیشن ور فوجیاں نال 13 اپریل نانہہ بولی غو تہوار وی مٹایو تھو۔ جتوں فوج نے اوپریشن میگھ دھوت شروع کیو تھو۔ یوہ پروگرام سیاچن توں شروع کیو جانتھو۔ ور موسم غی خرابی غی وجہ توں لہیہ منتقل کرنو پیو تھو۔ دفاعی وزیر نے کمانڈینگ افسر نال ٹیلی فون ور گل کر غے یوہ وعدو کیو تھو کہ وے جلدی ہی سیاچن غو دورو لاویں گا اور یوہ دورو اُسے وعدہ غے مطابق ہے۔

<><><><><><><><>

Property Attached

منشیات غے خلاف اپنی مہم نانہہ جاری رکھتاں واں ضلع پولیس جموں نے اک بور قصوروار غی اک مہنگی کار ”تھار“ ضبط کرلی ہے۔ اکھنور غا اک منشیات تسکر اسمی انیل سنگھ المعروف فرتیلا جھیڑوبمیر پور کھوڑ حال کو ڈٹے والا غو رہن

آلو اُس غی یاه کا ر ضبط کی گئی ہے۔ اس شخص نانہہ اس وقت این ڈی پی ایس، پی آئی ٹی قانون غے تحت جیل مانہہ رکھیو گیو ہے۔

<><><><><><><>

UGC PHD

یو نیو رسٹی گرانٹ کمیشن غا چئیرمین جگدیش کما رنے کہیو ہے کہ وے طالب علم جن نے 4 سالہ انڈرگریجوٹ ڈگری حاصل کیو ی ہیں وے براہ راست ہون این ای ٹی غا امتحان مانہہ بیس سکیں غا اور پی ایچ ڈی غی تعلیم واسطے اہل تصور کیا جائیں گا۔ اُن نے کہیو کہ پی ایچ ڈی چاہے جونئر ریسرچ فیلو شپ نال وے یاه نہیں ور اُمید وار چار سالہ انڈرگریجوٹ کو رس مانہہ 75 فیصد نمبر لیاواں ہونو چاہیے۔ اُن نے مزید کہیو کہ درجہ فہرست ذاتاں اور قبیلاں غا طالب علماں واسطے 5 فیصدی نمبراں غی چھوٹ وے گی۔

<><><><><><><>

SVEEP Rajouri

ضلع سویپ سیل راجوری غا ضلع چناؤ افسر اوم پرکا ش بھگت غی قیادت مانہہ نٹرنگ غا سفری شو غا سلسلہ ”لوک تئترا غا اصلی منتہہ“ شو سندر بنی غا بس اڈہ ور کروایو گیو۔ اس دوران نٹرنگ ٹیم غی طرفوں اک بڑو شو کیو گیو جس غے تحت چناؤ غے متعلق تمام نکا موٹا پہلواں ور تفصیلی لوح کہلی گئی اور ووٹراں نانہہ چناؤ غی اور اُن غا ووٹ غی اہمیت با رے وی دسیو بھالیو گیو۔ سویپ سیل غی طرفوں سپورٹس ایسو سی ایشن راجوری غا تعاون نال ٹی ٹوائٹی کرکٹ ٹورنامنٹ وی منعقد کروائی گئی ہے۔ ان کرکٹ مقابلوں غو افتتاح کھیڈاں غا ضلع افسر نے کیو۔ اُن نے اس موقعہ ور بولتاں واں کہیو کہ تمام لوکاں نے چناؤ با رے زیا دہ توں زیا دہ پرچار کرنو چاہیے اور لوکاں نانہہ ووٹ غی اہمیت با رے دسنو چاہیے۔

<><><><><><><>

Career Counseling

فوج غی طرفوں ضلع راجوری غا گا لوٹھی علاقہ مانہہ نوجواناں غی خاطر اک صلاح باڑی غو کیمپ لوایو۔ اس کیمپ غو مقصد نوجواناں نانہہ مختلف شعباں مانہہ روزگار حاصل کرن غی خاطر تربیت دینو تھو۔ اور نوجواناں غا رجحان با رے پتو لانو

وی تھو۔ فوجی افسر نے اس موقعہ ور بولتاں واں کہیو کہ مہاری کو شش وے کہ
بچہ نانہہ ذہنی اور جسمانی طور پر کھیو جائے۔ اور اُس غی دلچسپی نانہہ دھیان
مانہہ رکھتاں واں اُس غا والدین نانہہ صلاح باڑی دتی جائیں تا نجے وہ بچو اگے جا
غے اک کامیاب انسان ثابت ہو سکے۔

<><><><><><><><>

اس غے نال ہی خبراں غو یوہ بلیٹن ختم ہوؤ۔